

AÐVENTUTÖFRAR Í TÍRÓL



1. – 6. desember 2026

Fararstjórn: Hólmfríður Bjarnadóttir

Aðventuferð

Austurríki | Þýskaland

Ferðalýsing

Glæsileg og töfrandi aðventuferð í faðmi Alpafjallanna. Hér er einstakt að vera á aðventunni og **Tíról** í Austurríki er alger ævintýraheimur út af fyrir sig. Dvalið verður í **Seefeld** sem er yndislegur bær sem hvílir í sal Wetterstein, Mieminger og Karwendelfjalla. Við höldum í dagsferð til ævintýra bæjarins **Mittenwald** sem státar af litlum, myndskreyttum húsum og merkilegri hefð í smíði strengjahljóðfæra. Skíðabærinn **Garmisch Partenkirchen** í Þýskalandi, sem er einstaklega heillandi á aðventunni, verður sóttur heim ásamt höfuðborginni **Innsbruck**, sem er ein af ævintýraborgum aðventunnar. Kristalsheimur **Swarovski** í **Wattens** verður skoðaður og farið í verslun þeirra. Einnig heimsækjum við fallegu borgina **Kufstein** við ána Inn. Þar upplifum við einstakan jóla- og handverksmarkað og þar förum upp í miðaldakastalann sem gnæfir yfir borginni með hið fræga virkisorgel, **stærsta útiorgel í heimi**. Hér er á ferðinni einstök aðventuferð um yndislegt svæði sem skartar sínu fegursta á þessum árstíma.

6 dagar | 5 nætur í Seefeld

1. desember | Flug til München & Seefeld



Brottför frá Keflavík kl. 7:20. Mæting í Leifstöð u.þ.b. 2,5 klst. fyrir brottför. Lending í München kl. 12:05 að staðartíma. Þaðan verður ekið til Tíról í Austurríki eða nánar tiltekið til Seefeld sem er í 1180 m hæð. Þetta er yndislegur bær inn á milli fjallanna og við gistum fimm nætur á góðu hóteli í miðbænum. Eftir að allir eru búnir að koma sér fyrir á herbergi förum við saman í stutta gönguferð um bæinn og kynnum okkur

umhverfið og heimsækjum gotnesku kirkjuna St Oswald.

2. desember | Mittenwald & Garmisch-Partenkirchen

Þessi góði dagur byrjar í rólegheitum en síðan verður ekið til litla ævintýralega bæjarins Mittenwald sem á sér engan líka með fallegum, litlum, myndskreyttum húsum og skemmtilegum verslunum. Bærinn er frægur fyrir smíði strengjahljóðfæra og stendur minnisvarði af Matthias Klotz, upphafsmanni fiðlusmíði, fyrir utan fiðlusafn bæjarins. Nú verður stefnan tekin á Garmisch-Partenkirchen í Þýskalandi sem er einn þekktasti skíðabær landsins. Fyrir ofan hann stendur hæsta fjall Þýskalands, Zugspitze. Garmisch-Partenkirchen er töfrandi og skemmtilegur á þessum árstíma og ilmur jóla og svífur yfir aðventumarkaðinum. Einnig er hægt að líta inn á kaupmenn borgarinnar. Hér er upplagt að fá sér hressingu en það tilheyrir að fá sér heitt jólaglögg á göngu um jólamarkaðinn. Hægt er að fara með hestvagni eða sleða um bæinn og njóta um leið náttúrufegurðarinnar allt um kring.



3. desember | Aðventudýrð í Swarovski & Innsbruck

Við hefjum þennan góða dag á að aka til Wattens þar sem Swarovski kristalssafnið er til húsa en þar glitrar á ýmis djásn. Ferðin endar í verslun

þeirra. Áfram höldum við á vit ævintýranna og í jóladýrðina í Innsbruck, höfuðborg Tíról, sem er umvafin fjöllum og tindrandi náttúrufegurð. Innsbruck var ein af borgum Habsborgaranna, einnar mikilvægustu valdaættar Evrópu. Blómatími hennar var á 15. öld undir stjórn Maximilian I. af Habsborg. Hann lét byggja helsta kennileiti borgarinnar, húsið með gullþakinu, sem stendur við eitt fallegasta torgið í Tíról. Farið verður í stutta göngu en eftir það verður frjáls tími til að kanna borgina á eigin vegum. Borgin er sérstaklega ævintýrleg á aðventunni því borgarbúar nota gjarnan Grimmsævintýrin sem þema í skreytingunum. Tilvalið er að líta inn til kaupmanna í Maria-Theresien götunni en þar er einnig mikil jólastemning.

4. desember | Aðventumarkaður & huggulegur dagur í Seefeld



Í dag höfum við það notalegt í fjalladýrðinni í yndislega bænum Seefeld. Áður fyrr var þetta mikið vatnasvæði eins og nafn bæjarins ber með sér. Pennan dag er aðventumarkaður í bænum og mikið um dýrðir. Hér er margt hægt að gera, t.d. fara með hestvagni í rómantíska ferð um nágrennið eða ganga hringinn í kringum vatnið eftir góðum göngustíg. Mögulega er að fara upp á Rosshütte fjallið með kláfi sem fer upp í 1784 m hæð

(ef búið er að opna). Þarna uppi er gott veitingahús og upplagt að fá sér kaffi og tertusneið.

5. desember | Jólastemmning í Kufstein

Kufstein sem er sérlega fallegur bær og státar bæði af hrífandi jólamarkaði í almenningsgarði borgarinnar og einnig uppi við miðaldakastalann Kufstein sem trónir yfir borginni. Kastalinn er frægur fyrir tilkomumikið útiorgel, svokallað hetjuorgel, en á hverjum degi í hádeginu er leikið á orgelið til minningar um þá sem féllu í heimsstyrjöldunum tveimur og óma orgelhljómararnir frá turni kastalans og endurkastast í þverhniptum fjöllum í kring. Við förum upp í kastalann en þar er mjög fallegur jóla- og handverksmarkaður. Hér er hægt að hverfa um hríð aftur í aldir. Eftir það er frjáls tími til að líta inn á kaupmenn borgarinnar sem eru ófáir og fá sér hressingu.

6. desember | Heimferð frá München

Nú er komið að heimferð eftir ljúfa daga. Eftir morgunverð verður ekið til München. Brottför þaðan kl. 13:00 og landing í Keflavík kl. 16:00 að staðartíma.

Fararstjóri getur fært dagskrárliði á milli daga eftir þörfum.



Verð

279.900 kr. á mann í tvíbýli | 17.500 kr. aukagjald fyrir einbýli.

Innifalið

- ✓ Flug með Icelandair og flugvallaskattar.
- ✓ Gisting í 2ja manna herbergi með baði.
- ✓ Morgunverður allan tímann á hóteli.
- ✓ Glæsilegur 4 rétta kvöldverður allan tímann á hóteli.
- ✓ Allir drykkir á bar hótelsins og einnig með kvöldverði (að frátöldum drykkjum á sérseðli).
- ✓ Aðgangur að glæsilegri heilsulind.
- ✓ Slopur og handklæði fyrir gufuböð.
- ✓ Allar skoðunarferðir með rútu samkvæmt ferðalýsingu.
- ✓ Íslensk fararstjórn.



Ekki innifalið

- ✓ Aðgangseyrir inn í söfn, hallir og kirkjur.
- ✓ Kláfar eða stólalyftur upp á fjöll.
- ✓ Hádegisverðir.
- ✓ Þjófnef.



Valfrjálst

- ✓ Swarovski heimar u.þ.b. € 18.
- ✓ Kufstein kastalinn u.þ.b. € 15.

Hótel

- ✓ Hotel Bergland.

Nánari upplýsingar

- ✓ Vert er að hafa í huga að þrátt fyrir að Bænduferðir séu alla jafna þægilegar rútuferðir er alltaf einhver ganga, t.d. í bæjarferðum. Margar evrópskar borgir eru bæði hæðóttar og ójafnar undir fæti og aðgengi að áfangastöðum þannig að leggja þarf rúttunni mislangt frá. Ef þú hefur einhverjar vangaveltur varðandi þetta vinsamlegast ekki hika við að hafa samband við skrifstofu Bænduferða.